



INFORMATIVNI BILTEN OPĆINE ILIDŽA

Oktobar - Novembar 2020. / Broj 193





Nermin Muzur dobio 18.345 glasova i novi je načelnik Općine Ilidža

Nermin Muzur, kandidat "Četvorke" NiP, NS i SDP na lokalnim izborima 15. novembra 2020. dobio je 18.345 glasova, čime je izabran za načelnika Općine Ilidža. Općina Ilidža ima 65.601 registrovanog birača, koji su na 95 biračkih mjesta birali svog načelnika i Općinsko vijeće. Od pet kandidata najveći broj glasova osvojio je Nermin Muzur i obnašat će funkciju načelnika naredne četiri godine. U Općinskom vijeću Ilidža participirat će Stranka demokratske akcije (SDA), Narod i pravda (NiP), Socijaldemokratska partija BiH (SDP BiH), Naša stranka (NS), Nezavisna bosanskohercegovačka lista (NBL), Partija za progres i Prva stranka.

Općinsko vijeće Ilidža činit će Stranka demokratke akcije (SDA) 11, Narod i Pravda (NiP) 11, Socijaldemokratska partija BiH (SDP BiH) tri, Naša stranka (NS) dva, Nezavisna bosanskohercegovačka lista (NBL) jedan, Platforma za progress dva i Prva stranka, jedan vijećnik.

Stranku demokratske akcije (SDA) predstavljat će: Mahir Lokvančić koji je dobio 2.429 glasova, Damir Laličić (2.299), Amel Pintol (1.909), Midhad Karić (1.640), Muhamed Omerović (1.634), Alma Muratović (1.594), Fadil Lokvančić (1.513) Džana Šaćić (1.475), Alma Vatrić (1.470), Ahmed Krupalija (1.420) i Alma Avidić (1408).

Narod i pravda (NiP): Tarik Stamboilić koji je osvojio 2.596 glasova, Nermina Memić (1.795), Mirsad Madeško (1.512), Nejra Turudija (1.462), Ajla Milišić-Pepić (1.427), Edis Vreto (1.354), Anida Skenderagić (1.208), Tarik Čenanović (1.204), Haris Topalović (1.200) i Edita Turković (1.181). Socijaldemokratska partija BiH- SDP: Samir Avdić dobio je povjerenje 958 birača, Uzunović Amar (639) i Selver Zećirović (561).

Naša stranka: Redžo Lemezan 445 glasova i Amar Bungur (377).

NBL imat će jednog vijećnika, Kemala Habibiju koji je imao 264 glasa.



U ime Prve stranke vijećnički mandat osvojio je Mujo Hošić sa 386 glasova. Platforma za progres ulazi u sastav Općinskog vijeća sa dva vijećnika, Jasmina Vranjača koja ima 417 glasova i Tarik Hošić 332.

Novoizabranom načelniku Nerminu Muzuru i vijećnicima Općinskog vijeća želimo puno sreće i uspjeha u budućem radu i nadamo da će opravdati povjerenje Ilidžanaca. ■



Obilježen Dan državnosti BiH

Zbog pandemije koronavirusa, Dan državnosti Bosne i Hercegovine ove godine Općina Ilidža obilježila je drugačije nego inače. Učenjem Fatihe, minutom šutnje i polaganjem cvijeća na spomen-kosturnicu u Velikoj aleji i centralnom spomen obilježju, 25. novembra, skromno ali dostojanstveno obilježen je ovaj značajan dan. Kako je rečeno na ovom skupu, uprkos pandemiji ovo je vrijeme da se prisjetimo principa ZAVNOBiH-a i proslavimo praznik kada je utemeljena država njenih građana i ravnopravnih naroda i kada je potvrđen kontinuitet državnosti Bosne i Hercegovine. Delegacije Općine Ilidža, odnosno Općinskog vijeća, kordinacije boračkih udruženja, Udruženja antifašista NOR-a Ilidže, te političke stranke SDA, položile su cvijeće i odale počasti svim poginulim u NOR-a, kao šehidima i poginulim borcima u toku agresije na našu dr-

žavu. Abdulah Koldžo predsjednik Udruženja antifašista Ilidže izrazio je nadu da će mladi uskoro samostalno odlučivati u kakvoj državi žele živjeti, gdje neće biti nacionalnih podjela, već njegovanje državnosti uz prosperitet i ekonomski napredak. Protokol polaganje cvijeća na spomen obilježjima održan je u skladu sa aktuelnim higijensko epidemiološkim prilikama. ■





Dodijeljena najveća priznanja Općine Ilidže

Općinsko vijeće je donijelo Odluku o dodjeli priznanja Općine Ilidža za 2020. godinu u januaru, a nagrade dobitnicima trebale su biti uručene na svečanoj sjednici u povodu 12. marta – Dana općine Ilidža. Općina Ilidža je 12. marta trebala proslaviti dan reintegracije, i pokazati svima nepredak i prosperitet. Nažalost, zbog epidemiološke situacije uručenje ovih priznanja nije bilo moguće organizovati u vremenu kada je bilo planirano, stoga uručenje ovih priznanja dobitnicima organizirano je 8. oktobra 2020. godine. U Multifunkcionalnoj sali Općine Ilidža uručena su priznanja i nagrade pojedincima i kolektivima. Povelja za životno djelo otišla je u ruke Adise Tufo – za uspješno poduzetništvo, društveni aktivizam, te promociju lokalne zajednice, edukaciju i pomoć mladima i prof. dr. Hamdi Lokvančiću – za cjelokupni naučni i obrazovni rad na razvoju veterinarske nauke u BiH i izuzetan doprinos razvoju i ugledu Općine Ilidža. Zlatnu plaketu – pojedinačnu dobio je Mirsad Mirojević – za doprinos u odbrani zemlje i promociju općine Ilidža kroz sportske aktivnosti, a kolektivnu Udruženje boraca „I samostalna brigada – Sarajevo“ – za izuzetne rezultate u radu, organizaciji edukativno-kulturnih sadržaja, razvoju dobrih međuljudskih



odnosa i rezultate u ostvarivanju prava građana. Srebrnu plaketu – pojedinačnu dobio je docent dr sc. Eldin Jelesković – za ostvarene posebne rezultate u sportu, uspjehu u vaspitno-obrazovnom radu i naučnom radu na međunarodnom, državnom i federalnom nivou i Fikret Moro (posthumno) – za izuzetanu hrabrost i organizaciji u odbrambeno-oslobodilačkom ratu tokom agresije na BiH. Zahvalnice su uručene: Hasanu Šišiću za doprinos u razvoju lokalne zajednice i poboljšanje uslova života građana, Farisu Šaćiću – za promociju kulturnih vrijednosti i postignute rezultate u oblasti književnosti,

Ademu Bašiću – za postignute rezultate i afirmaciju Ilidže kroz rukomet, te prenošenje znanja i iskustva kroz trenerski angažman, Dženanu Hošiću – za izuzetne uspjehe u nogometu na domaćim i međunarodnim takmičenjima i doprinos u razvoju ovog sporta u općini Ilidža, te Fuadu ef. Goliću – za doprinos razvoju vjerskog života i aktivnostima u obrazovanju mladih. Plaketa odbrane uručena je Halilović ef. Nezimu Muderisu – za izuzetan doprinos u odbrani BiH tokom agresije, afirmaciju ljudskih vrijednosti i doprinos u jačanju državotvorne svijesti građana BiH. ■



Uručen ultrazvučni color dopler Zavodu



Općina Ilidža donirala je ultrazvučni color dopler aparat Zavodu za zdravstvenu zaštitu žena i materinstva Kantona Sarajevo za područje općine Ilidža. Vrijednost aparata je 76.050,00 KM. Načelnik Općine Ilidža prof.dr. Senaid Memić uručio je 8. oktobra 2020. direktoru Zavoda za zdravstvenu zaštitu žena i materinstva Kantona Sarajevo Enisu Hasanoviću savremeni aparat koji se koristi u dijagnostici. On je izrazio zahval-

nost Općini Ilidža, te potvrdio spremnost na ispunjenje misije u zaštiti zdravlja žena.

Kako je donacija uručena povodom Mjeseca borbe protiv kancera dojke, koji se svake godine obilježava u oktobru, iz Zavoda su podsjetili na važnost samopregleda i preventivnih pregleda. Uputili su poziv svim ženama da dođu i pregledaju se na najsavremenijem ultrazvučnom aparatu i tako sudjeluju u očuvanju i unapređenju svog zdravlja. ■

Uručena donacija u sanitetskom materijalu Domu zdravlja

Općina Ilidža na čelu sa načelnikom prof.dr. Senaidom Memićem uručila je donaciju u sanitetskom materijalu Domu zdravlja Ilidža u vrijednosti od 6.692,50KM.

Općina Ilidža, iako nije njena nad-

ležnost, u kontinuitetu godinama pomaže ovoj zdravstvenoj ustanovi a posebno u vrijeme pandemije COVID -19 sve u cilju kvalitetnijeg pružanja medicinskih usluga našim građanima kao i povećanja sigurnosti uposlenih. ■



Uskoro još jedna kružna raskrsnica na Ilidži

Analizom uslova odvijanja saobraćaja na raskrsnici ulica M17-Bosanskih gazija-Ibrahima Ljubovića, a u cilju poboljšanja uslova saobraćaja pristupilo se izgradnji kružne raskrsnice. Izgradnjom kružne raskrsnice, pored poboljšanja nivoa usluge na već postojećoj raskrsnici, omogućit će se veća eksploatacija saobraćajnice koja se proteže uz desnu obalu rijeke Željeznice. Također, bit će obezbjeđen još jedan ulaz u centralni dio Ilidže, jer će vozila iz pravca Ilidže i pravca Blažuja imati mogućnost skretanja u centralni dio Ilidže. Navedena kružna raskrsnica planirana je po RP Pejton.

Kružna raskrsnica projektovana je kao gradska jednastručna kružna raskrsnica. Izgradnja kružne raskrsnice vršit će se u dvije faze. U prvoj fazi planirana je izgradnja kružne raskrsnice sa tri kraka, a u drugoj fazi planirana je izgradnja i četvrtog kraka prema nase-

lju Pejton. Općina Ilidža uradila glavni projekat, riješila imovinsko pravne odnose te građevinsku dozvolu.

Ovo je zajednički projekat Općine Ilidža i Direkcije za puteve KS te su raspisali i zajedničku javnu nabavku, te izabrale izvođača radova. Vrijednost okvirnog sporazuma je

730.339,02 KM.

Prvi ugovor potpisan je na iznos 473.722,17 KM. Rok za realizaciju prvog ugovora je 90 dana. Direkcija za puteve KS finansira 500.000,00 KM a Općina Ilidža 230.339,02 KM. Izvođač radova je Mevludin commerc d.o.o. Nadzor je firma PPG d.o.o. ■





Pušten kružni tok u Hrasnici

U naselju Hrasnica završeni su radovi izgradnje kružnog toka. Presijecanjem vrpce načelnik Općine Ilidža prof. dr. Senaid Memić i direktor firme, izvođača radova Mevludin Comerc d.o.o, Almir Bučan, 6. novembra 2020. godine ozvaničili su okončanje radova i pustili u promet saobraćajnicu. Općina Ilidža je u ovoj budžetskoj 2020. godini planirala izgradnju kružnog toka u Hrasnici i nastavak prema Famosu sa dva kolovoza u dužini 180 metara i dalje preusmjeravanje u jedan kolovoz. Iznos ugovorenih radova je 1.518.778,39 KM. Izvođenje javne rasvjete povjerenjeno je firmi Testingelektro d.o.o u vrijednosti 83.686, 59 KM. Ovaj projekat u potpunosti je finansirala Op-



ćina Ilidža.

“Izgradnjom kružnog toka povezala se Hrasnica sa Ilidžom sa dva ko-

lovoza po dvije saobraćajne trake u dužini 4.6 kilometara. Sam početak izvođenja radova uslovljen je bio izmještanjem instalacije van tramvajskog i saobraćajnog pojasa i izmještene su van pojasa saobraćajnice i kružnog toka. Ovaj kruži tok rasterećit će saobraćaj i poslužiti sigurnosti u saobraćaju” rekao je, između ostalog, načelnik Memić.

Urađeno je izmještanje gasovoda, vodovodnih cijevi promjera 100,150,200,400 milimetara, kao i izmještanje instalacija BH Telekoma i Elektrodistribucije. Stručni nadzor nad izvođenjem obavljao je Zavod za izgradnju Kantona Sarajevo. Projekat je uradila projektna kuća TZI Inženjering d.o.o. ■



Započela izgradnja isključne trake sa zapadnog prilaza gradu

U cilju lakšeg, bržeg i jednostavnijeg pristupa naselju Osjek, Općina Ilidža i Direkcija za puteve Kantona Sarajevo započeli su zajednički projekat izgradnje isključne trake sa zapadnog prilaza gradu. Isključna traka gradi se uz saobraćajnicu zapadni prilaz gradu, u smjeru Ilidža-Blažuj. Dio je ukupnog urbanističkog projekta Detono, kojim je planirana izgradnja četiri rampe od-

nosno trake za ubrzane i usporenje. Dužina isključne trake je oko 390, a širina je pet metara. Općina Ilidža uradila glavni projekat, riješila imovinsko pravne odnose i građevinsku dozvolu. Direkcija za puteve KS raspisala je javnu nabavku, izabrala izvođača radova te će finansirati kompletne radove. Okvirni sporazum potpisan na iznos 1.225.000,00 KM, na period od dvije godine. Za



prvu fazu koja je predviđena da se radi četiri mjeseca potpisan je ugovor na 799.000,00 KM.

Izvođač radova je Bosman d.o.o, a nadzor vrši Ipsa institut d.o.o. ■



Nakon Centra za zdravo starenje na Ilidži i Centar za djecu sa poteškoćama u razvoju

Općina Ilidža počinje izgradnja savremenog Centra za djecu sa poteškoćama u razvoju. Nakon provedenog postupka eksproprijacije i rješanih imovinsko-pravnih odnosa, 9. oktobra 2020. u Općini Ilidža potpisan je Sporazum o plaćanju naknade za eksproprijano zemljište, a čiji je vlasnik JU Djeca Sarajeva. Sporazum su potpisali ovlašteni zastupnik JU Djeca Sarajeva Sanel Nezirić i zamjenik pravobranioca Općine Ilidža Emirina Musić. Vrijednost eksproprijanog zemljišta iznosi 345.747,50 KM i isti će se isplatiti iz Budžeta Općine Ilidža. Ovim su se stekli svi neophodni uvje-

ti da se pristupi i konkretnoj izgradnji ovako značajnog centra koji će sigurno doprinijeti lakšoj svakodnevici i rješavanju problema sa kojima se susreću djeca sa poteškoćama u razvoju, ali i njihovi roditelji. Centar će biti sagrađen u skladu sa najvećim standardima i prostirat će se na površini od 1401 metar kvadratni. Izgradnja centra je planirana u ulci Jo-



sipa Slavenskog bbm naselje Pejton (neposredna blizina Osnovne muzičke škole). ■

Uskoro ledena ploha na Ilidži

Načelnik Općine Ilidža prof. dr. Senaid Memić i Adnan Cvijetić, direktor Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“, u prostorijama Općine Ilidža 27. oktobra 2020. potpisali su Sporazum o sufinansiranju projekta „Projektovanje izgradnje ledene plohe“. Ukupno investiciono ulaganje u ovaj projekat iznosi 180.000,00 KM, od čega je 150.000,00 KM obezbijeđeno u Budžetu Općine Ilidža za 2020. godinu, a 30.000,00 KM iz sredstava JP „Ilidža“ d.o.o. JP „Ilidža“ d.o.o. provest će postupak javne nabavke kako bi već od ove zime ledena ploha bila spremna za prve klizače. Ledena ploha bi trebala biti na parkingu RVI kod Velike aleje. ■



Tri natkrivena biciklistička parkinga

Prema trenutnoj situaciji s Covid-19 virusom, biciklizam postaje sve veći trend i lako rješenje za kretanje s malim rizikom od infekcije. Parkinzi za bicikla posebno su namijenjeni zaposlenicima koji biciklom mogu doći do radnog mjesta i parkirati ga bez straha od atmosferskih uticaja, ali i potencijalne krađe jer su uglavnom sve lokacije u neposrednoj blizini video nadzora. Kod Doma zdravlja Ilidža, ispred Prve osnovne škole ul. Mala Aleja, kao i pored rijeke Željeznice postavljeni su natkriveni parkinzi za bicikle. Pilot projekat je dio GIZ regionalne inicijative na temu održive urbane mobilnosti u zemljama jugoistočne Evrope finansirane od

strane njemačke vlade, u kojem su Grad Sarajevo i Kanton Sarajevo partneri. Analiza trenutnog stanja Plana održive urbane mobilnosti Sarajeva ukazala je na nedostatak parkinga za bicikle, na primjer ispred javnih institucija. Potreba za njihovom izgradnjom identifikovana je tokom radionica sa širom javnošću kao jedna od mjera za povećanje udjela biciklizma u Sarajevu. Inače, biciklisti u prosjeku žive duže godine duže od osoba koje nisu aktivni biciklisti i uzimaju 15 posto manje slobodnih dana zbog bolesti. Samo 25 minuta bržeg hoda dnevno, može da produži život i do sedam godina. ■



Podijeljeno 5000 sadnica

U sklopu jesenje sadnje, Općina Ilidža je i ove kao i predhodnih godina provela akciju podjele sadnica voća stanovnicima općine. Izvršena je nabavka 5.000 sadnica voća, i to: 1300 sadnica šljive, 1300 sadnica kruške, 1500 sadnica jabuke, 400 sadnica trešnje i 500 sadnica višnje. Podjela sadnica je počela 30. novembra 2020. putem Službe za koordinaciju rada MZ-a, odnosno MZ-a. Za nabavku sadnica Općina je izdvojila 17.500 KM. Prednost prilikom podjele imali su građani koji predhodnih godina nisu bili obuhvaćeni podjelom. Ovo je još jedna od akcija u nizu kojim Općina Ilidža pomaže stanovnicima u razvoju poljoprivrede.

U sklopu ove akcije građanima Butmira podijeljeno je 120 sadnica jabuke, 90, šljive, 90 kruške, 85 višnje te 65 trešnje. Stanovnici Donjeg Kotorca dobili su 60 sadnica jabuke, 80 šljive, 60 kruške, pet višnje i pet trešnje.

U MZ Sokolović-Kolonija podijeljeno je 50 sadnica jabuke, 60 šljive, 60 kruške, 35 višnje i 25 trešnje. U MZ Hrasnica I podijeljeno je 140 sadnica jabuke, 105 šljive, 105 kruške, 45 višnje i 40 trešnje. Hrasnica II: 140 sadnica jabuke, 105 šljive, 105 kruške, 45



višnje i 40 trešnje. U MZ Ilidža Centar podijeljeno je 50 sadnica jabuke, 40 šljive, 40 kruške, pet višnje i pet trešnje. Lužani: 60 sadnica jabuke, 50 šljive, 50 kruške, pet višnje te pet trešnje. U MZ Vreoca podijeljeno je 80 sadnica jabuke, 70 šljive, 70 kruške, pet višnje i pet sadnica trešnje. Vrelo Bosne 80 sadnica jabuke, 70 šljive, 70 kruške, po pet višnje i trešnje. U MZ Blažuj građani su dobili 150 sadnica jabuka, 120 šljive, 120 kruške, 85 višnje i 70 trešnje. Građani Rakovica

dobili su 140 sadnica jabuke, 130 šljive, 120 kruške, 35 višnje, 30 trešnje. Osjek: 140 sadnica jabuke, 120 šljive, 120 kruške, 35 višnje i 30 trešnje. Otes 80 sadnica jabuke, 80 šljive, 80 kruške, 30 višnje i 20 sadnica trešnje, Stup 80 sadnica jabuke, 80 šljive, 80 kruške, 30 višnje i 20 trešnje, Stup II: 80 sadnica jabuke, 50 šljive, 80 kruške, 30 višnje i 20 trešnje. Stanovnicima Stupkog brda podijeljeno je 50 sadnica jabuke, 50 šljive, 50 kruške, 20 višnje i 15 trešnje. ■

U Općini Ilidža elektronski ovjereno 119.504 potpisa, rukopisa i prepisa

Budući da je u svijetu glavni cilj da javna uprava služi svojim građanima, za Općinu Ilidža to je odavno imperativ. Još od 2009. godine Općina Ilidža je uvela digitalizaciju, odnosno prihvatila nove informacione standarde, a sve u cilju poboljšanja svojih javnih usluga. Kako prelazimo u novu eru javnih usluga, pojavljuju se novi prioriteti, odnosno osiguravanje inteligentnog upravljanja podacima, što uveliko unaprijeđuje i analitičko izvješćavanje i sposobnost predviđanja Općine Ilidža.

Prateći nove tehnologije od 2009. uvedena su doku nova, data nova i fi nova. Doku nova je program koji se odnosi na prijem "ulaza" predmeta, te njegovog toka. Tako da građani u svakom momentu mogu znati u kojoj fazi je njihov predmet. U 2020 godini putem doku nove zaprimljeno je do 10. novembra 11.580. Arhivirano je 7.953 predmeta. U Općini Ilidža u 2020. godini digitalno ovjereno je 119.504 potpisa, rukopisa i prepisa. Data nova je program koji uvezuje sistem matičnih knjiga na području



Federacije BiH. U 2020. godini putem ovog sistema izdato je 32.666 izvoda i uvjerenja. U matičnu knjigu rođenih putem aplikacije data nova upisano je u matičnu knjigu rođenih 744, matičnu knjigu umrlih 616, u matičnu knjigu državljana šest te matičnu knjigu vjenčanih 446. Program fi nova je tok praćenja finansija. ■



Obilježena godišnjica pogibije Mehe Porobića i Ivice Stanića

U organizaciji Udruženja demobilisanih branitelja odbrambeno-oslobodilačkog rata 1992-1995. Općine Ilidža, Udruženja boraca "Branitelji 1992 - 1996", Udruženja građana pogođenih ratnom štetom 1991-1996. i Udruge bojovnika postrojbi HOS-a Sarajevo, 8. oktobra 2020. obilježena je godišnjica pogibije Mehe Porobića i Ivice Stanića.

Delegacije su položile cvijeće na mezaru rahmetli Mehe (Ibrahima) Porobić na Kovačima gdje se okupljenim braniteljima, supruzi i sinu, obratio

general Dževad Rađo koji je rekao da se zasluge zlatnog ljiljana koji je nakon trećeg ranjavanja vratio u jedinicu u odbrani ilidžanskih naselja, koji se istakao u svim vojnim operacijama, ne smiju zaboraviti.

Nakon polaganja vijenaca i cvijeća na Kovačima okupljeni su se uputili na mjesto pogibije Mehe Porobića i Ivice Stanića te njihove spomenike okitili vijencima i cvijećem, kao mali čin pažnje za njihovo veliko djelo, te odali počast ovim herojima. Meho Porobić, pukovnik i načelnik štaba 102. moto-



rizovane brigade, pored Zlatnog ljiljana, dobitnik je Ordena za vojne zasluge sa zlatnim mačevima, a ove nagrade su mu posthumno dodijeljene. Poginuo je sa saborcima 8. oktobra 1992. u borbama za Aziće. Na istom mjestu život je časno položio i borac, major Ivica Stanić, koji je ostao da brani svoje ognjište. Bio je pripadnik HVO-a. ■



Obilježen Međunarodni dan starijih osoba

Međunarodni dan starijih osoba se obilježava 1. oktobra gdje se širom svijeta, kroz različite aktivnosti, skreće pažnja na značaj brige o starijoj populaciji. U fokusu obilježavanja ove godine je uticaj pandemije COVID-19 na stariju populaciju. U Centru za zdravo starenje Ilidža je prigodnim programom obilježen ovaj datum. Nakon preventivno-korektivne gimnastike, korisnici su su uživali u druženju uz prigodnu zakusku poštujući epidemiološke mjere. Pozivamo stanovnike Općine Ilidža da se informišu o programskim aktivnostima i postanu članovi Centra za zdravo starenje. Centar je smješten na adresi Trg branilaca Hrasnice (prostorije MZ Hrasnica I) i otvoren je svakim radnim danom 9-15h. ■

Predstavnici Kluba mladih Udruženja „Život sa down sindromom” u Općini Ilidža

Predstavnici Kluba mladih Udruženja „Život sa down sindromom u Federaciji BiH” završili su teorijski dio edukacije u sklopu kampanje „Moj glas je bitan.”

Tim povodom mladi su posjetili 12. oktobra 2020. Općinu Ilidža, gdje im je sekretar Općinskog vijeća Azreta Grebović govorila o ulozi Općinskog vijeća, te njihovoj nadležnosti, kao i o ovlastima općinskog načelnika u kreiranju politike za dobrobit lokalne zajednice.

U okviru provedenih aktivnosti Udruženje je radilo na prilagodbi informacija u okviru kampanje „Neka ja ču” gdje su slušali edukacije o različitim temama o lokalnim izborima i izbornom procesu, odnosno o standardima koji su kreirani da bi se informacije približile osobama sa intelektualnim poteškoćama. ■





Vatrogasci u vrtiću „Radost” u Hrasnici

U sklopu upoznavanja sedmične teme “Zaštitinici ljudi” djecu iz vrtića “Radost” u Hrasnici je posjetila Profesionalna vatrogasna jedinica. Zbog specifične situacije sa virusom COVID-19 i nemogućnosti posjete djece

Vatrogasnoj jedinici, organizovana je posjeta u dvorištu vrtića gdje su djeca imala priliku upoznati vatrogasce i vatrogasno vozilo. Oduševljenje je bilo veliko i djeca su uživala u viđenom i kratkom druženju sa vatrogascima. ■

Na Ilidži vjenčano 487 parova

S obzirom na stanja koja su posljedica velikog broja zaraženih i zabrane okupljanja, mi na Ilidži možemo se pohvaliti da ljubav ipak pobjeđuje. Od februara do kraja novembra matičari Općine Ilidža vjenčali su 487 parova. Okolnosti vjenčanja su se promijenile, pa je tako sada na vjenčanju u sali Općine dozvoljeno prisustvo maksimalno 20 osoba, uz poštivanje svih epidemioloških mjera. Van zgrade Općine Ilidža, odnosno po restoranima i salama, brak su sklopila 95 para. Ljubav ne poznaje zabrane i prepreke, pa tako ni COVID-19 ne može stati na put osnovnoj ljudskoj potrebi za ljubavlju. Mladencima sretno. ■



Nova takmičarska sezona u KK „Ilidža”

I pored izuzetno teških uslova rada, Košarkaški klub Ilidža i u ovu sezonu ulazi sa organizovanim takmičarskim selekcijama i to: šest muških i pet ženskih selekcija. Kao košarkaški klub koji radi i egzistira na području općine, klub je jedini prijavio i jedini će učestvovati sa svim muškim i ženskim selekcijama u sistemu takmičenja Košarkaškog saveza Kantona Sarajevo i KS BiH. Prijavili su slijedeće timove: juniori, kadeti, mlađi kadeti, minibasket – dva tima, i Unobasket, kao i ženske selekcije juniorke, kadetkinje, mlađe kadetkinje, minibasket i unobasket.

- Ove sezone sve domaće utakmice igrat će se u KSC Ilidža, zahvaljujući razumijevanju menadžmenta JU KSIRC ILIDŽA, kao i sponzorima i menadžmentu KK Ilidža, koji je obez-

bijedio sredstva uz pomoć kojih će djeca sa područja općine Ilidža igrati u svojoj dvorani i lokalnoj zajednici. Nažalost, uprkos uslovima u kojima sportski kolektivi teško pronalazimo način za egzistenciju, podrška od Ministarstva kulture i sporta KS i aktuelnog ministra Kenana Alikađića, za takmičenje u ovoj sezoni u potpunosti je izostala. Naši projekti i aktivnosti, kao i ogroman broj djece koji

nam ukazuju povjerenje tokom godina, dokaz su da je reaktivirani KK Ilidža jedan veliki projekat cijele općine te smo zasigurno najmnogobrojnije sportsko udruženje u Općini Ilidža. Dokaz razvoja i uspjeha jeste i 14 zaposlenih mladih i obrazovanih trenera koji trenutno rade sa djecom, izjavio je Admir Sakoč, direktor KK Ilidža. ■



Košarkaši „Ilidže” zahvalni načelniku Memiću

Predstavnik Košarkaškog kluba „Ilidža” Admir Sakoča i prof. dr. Mirka Pejanovića 8. oktobra 2020. primio je načelnik Općine Ilidža prof. dr. Senaid Memić.

- Hvala načelniku na ovom lijepom prijemu, čime pokazuje da je uvijek vodio brigu o svim sportskim kolektivima, pa tako i našem. Želim da se zahvalim na izuzetnoj saradnji i podršci, koju smo imali sa vama i želim vam puno u budućnosti uspjeha ma gdje bili, rekao je Admir Sakoč, direktor kluba KK „Ilidža”.

- Čestitam od srca na uspjesima i rezultatima. Nadam se da je moja podrška bar malo doprinijela uspjehu KK Ilidža, rekao je načelnik Memić.



Sakoč je uručio načelniku Memiću znak zahvalnosti za podršku, a prof. dr. Pejanović knjigu. ■



Avdić uručio dres načelniku Memiću

Direktor košarkaške reprezentacije BiH Samir Avdić, legendarni kapiten našeg nacionalnog tima i višestruki učesnik evropskih prvenstava, posjetio je 8. oktobra 2020. načelnika Općine Ilidža prof. dr. Senaida Memića.

Tokom posjete izrazio je zahvalnost načelniku Memiću za podršku košarkaškoj reprezentaciji BiH i učio mu dres s njegovim imenom. ■

Promovisana knjiga „Vapaj duše”

Knjiga „Vapaj duše” autora Faika Hadrovića promovisana je u Multimedijalnoj sali Ilidža. Vapaj duše je zbirka ljubavnih i rodoljubivih pjesama, a predstavlja svojevrsnu renesansu romantizma sa naglašenim bolom za neshvaćenost duše koja voli. Ovo je Faikov prvijenac.

“Od svog ranog djetinjstva okružen sam bio prirodom, to me činilo sretnim. U srednjoj školi sam želio da svoje misli pretočim u pjesme. Prve moje pjesme posvećene su ljubavi, majci, nostalgiji za rodnim krajem. S puno iskrenosti, ljupkosti, nježnosti, ljubav ipak kod svakog čovjeka treba biti na prvom mjestu,” kaže Faik.

Recenzenti knjige su bili Senad Zukanović i Kadifa Tahirović Murajčić. Knjiga se može poručiti po cijeni od 10 KM. ■





ŽOK "Igman" završile jesenji dio Premijer lige

Odbojkašice kluba "Igman" Ilidža pobjedom nad Slobodom iz Tuzle 3-0 završile su jesenji dio prvenstva u Premijer ligi BiH za žene i trenutno zauzimaju peto mjesto na tabeli sa osvojenih 13 bodova. Obzirom da je ovo debitantska sezona u društvu najboljih, u klubu su više nego zadovoljni trenutnim plasmanom ekipe. Pred početak prvenstva zacrtan je cilj da se klub pozicionira kao stabilan premijerligaš i da izbori opstanak

što je sada već izvjesno. Ekipa Igmana ima potencijal i za veće domete ali obzirom na situaciju u društvu koja je uzrokovana pandemijom, smanjeno interesovanje sponzora, odigravanje utakmica bez prisustva publike, trenutna pozicija predstavlja realnost.

Kako nam je rečeno



u ŽOK u nastavku prvenstva trudit će se da svoju lokalnu zajednicu predstavljaju u što boljem svijetlu i da na kraju ligaškog dijela takmičenja zauzmu što bolju poziciju za doigravanje u play off-u. Izrazili su zahvalnost Općini Ilidža koja je njihov glavni partner u svim aktivnostima kluba, te se nadaju još jačem njenom angažmanu u narednoj godini kako bi rezultati koje ostvari klub bili ponos naše lijepe Ilidže. ■



Odbojkaši Igmana postigli veliki uspjeh

Muška ekipa Odbojkaškog kluba Ilidža nalazi se na prvom mjestu, nakon devet odigranih kola i na korak je plasmana u premijerligu BiH sa mladim igračima iz svog pogona. Prema riječima predsjednika UO OK Ilidža Emira Memića ovo veliki uspjeh. - Čestitam na uspjehu odbojkašima, napravili su veliki korak ka premijerligi. Drago mi je da smo sa najmlađom ekipom u državi sa djecom iz vlastitog pogona, većinom sa područja Ilidže postigli ovakav rezultat. Najveća je ovo pobjeda nakon reaktiviranja kluba i vraćanje odbojke na Ilidžu, jer pored muške ekipe i djevojke se takmiče u Superligi FBiH, izjavio je bivši reprezentativac BiH u odbojci i predsjednik UO OK Emir Memić. ■

